

清 張培仁著
妙香室叢話

第六冊

進步書局校印



妙香室叢話卷十二

清 賀縣張培仁少伯輯

顧亭林先生

顧炎武一名絳字甯人號亭林江南崑山人有亭林集先生於書無所不窺尤留心經世之學歷覽廿一史天下圖經文編說部以至公移邸抄之類有關於民生利害者隨錄之曰天下郡國利病書周流西北二十年別有一編曰肇域志採原竟委言可見之施行最精韻學有音學五書喜金石之文到處即蒐訪有金石文字記晚益篤志六經謂經學即理學舍經學則其所謂理學者禪學也而日知錄尤為先生精詣之書凡經史之粹言具在也顧氏有三世僕曰陸恩叛投里豪欲告先生通海盜先生亟往禽之數其罪沉之水僕壻復投里豪以千金賄太守欲害先生獄日急由周路舍人溥者故相文貞公振飛子也識兵備使者為憇之始得移訊松江而事解又萊之黃氏有奴告其主者多株連以吳陳濟生所輯忠義錄指為先生作首之先生赴山東自請勘訟繫半年富平李因篤為告急於有力者解之獄始白自是往還河北卜居陝之華陰置田五十畝供晨夕餌沙苑蒺藜而甘之曰啖此久不肉不茗

可也。凡先生之遊。以二馬二騾載書自隨。所至阨塞。即呼老兵退卒。詢其曲折。或與平日所聞不合。即坊肆中發書而對勘之。華下諸生請講學。謝之曰。近來講書讀之師。專以聚徒立幟為心。李二曲亦徒以講學得名。然名之為累甚矣。先生既負用世之略。所至每小試之。墾田度地。累致千金。故隨寓即饒足。徐尚書乾學先生之甥也。累書迎先生南歸。不至。卒於華陰。年六十九。無子。門人奉喪歸葬崑山。高弟吳江潘耒收其遺書。序而行之。鮚埼亭集

亭林先生至都。徐學士設讌。三醕即起。學士曰。舅氏幸暢飲。夜闌張燈送回。何如。先生曰。世間惟淫奔納賄。於夜行之。豈有正人君子而夜行者乎。觚牘

崇正乙卯。秋闈被擯。退而讀書。感四國之多虞。恥經生之寡術。於是歷覽二十一史。以及天下郡縣志書。一代名公文集。間及章奏文冊之類。有得即錄。共成四十餘卷。

一為輿地之記。一為利病之書。

天下郡國利病書

此肇域志稿本。未成之書。其志願所規畫者甚大。而方輿紀要實已括之。亭林生長離亂。奔走戎馬。閱書數萬卷。手不輟錄。此帙密行細書。無一筆率略。始歎古人精力過人。志趣遠大。世之習科條而無學術。守章句而無經世之具者。皆未足與於此也。

國初名儒。余最服膺顧亭林先生。先生之學博矣。而無考據家附會穿鑿。蔓引瑣碎之病。先生之行備矣。而無縱橫家矜才逞智。劍拔弩張之態。所著日知錄一書。舉經史子集之要。統修齊治平之全。擇精語詳。扶世翼教。其學為有用之學。其言皆有本之言。孔子所謂博學於文。約之以禮。孟子所謂守先王之道。以待後之學者。若先生者。庶乎足以當之矣。松心錄

天下郡國利病書。卷帙繁重。校勘未詳。其中誤字不少。余嘗欲取方輿紀要。與此書互勘。而擬二書之要。合為一編。刻巾箱本。以便行。松軒隨筆

亭林集。嵩山詩本八韻。蓋竹垞刪為五律。而別裁因之。石開重出。啓重改曾。蓋亦竹垞所訂。松廬詩話

亭林先生詩。多沈雄悲壯之作。偶記一律云。長看白日下蕪城。又見孤槎海上橫。感慨河山追失計。艱難戎馬發深情。崩車斷鏃周十畝。蔓草枯楊漢二京。今日大梁非舊國。夷門愁殺老侯嬴。真氣噴溢於字句間。益得杜之神。而非襲其貌者所可比也。

同上

先生學博才大。心存濟世。所著書多有功於名教者。不必以詩自負。然即以詩論。五古如述古一篇。七古如勞山俱高渾。五七言律詩亦多名句。如天地存肝膽。江山閱鬢華。馬跡未能追穆后。虎頭空自相班生。世事粗諳身已老。古音方奏客誰聽。哲士有懷多述酒。英雄無事且明農。中年早已傷哀樂。死日方能定是非等句。亦足以追跡少陵。

查初白先生

查慎行初名嗣璉。字夏重。後更今名。字悔餘。號初白。浙江海甯人。康熙四十二年進士。官翰林院編修。有敬業堂集。

悔翁於人情物理。閱歷甚深。發而為詩。多所警悟。余每味乎其言。局外人不知局中之難。每好為議論。悔翁詩云。事外易持議。引論多激昂。設身處局中。唯阿無一長。人每好炫己之長。謂人之短。不知己所謂是。亦未臻其至也。悔翁詩云。域內有名山。攀躋力可至。人皆造其麓。抑或半嶺廢。等是未登峰。毋為笑平地。春陽之溫。秋霜之肅。大造順其氣之自然。未必有心也。悔翁詩云。開亦勿德雨。謝亦勿怨風。榮枯兩適然。了不關化工。化工倘徇物。無乃與物同。形新也。神火也。形未有不盡者。所賴者神存。

耳。立德立功昭著不朽。此神存之大者。即數卷之書。數字之詩。流傳世間。在人心目。亦神之存也。悔翁詩云。養生徒養神。木冠膏自煎。是形無不盡。新盡而火傳。無我則公。有我則私。甚至知有我不知有人。則其患不可勝言矣。悔翁詩云。胚胎互融結。大患緣有我。崇高之地。荆棘生焉。宴樂之場。戈矛興焉。閱世既久。乃歎清泉白石。冷淡中得大自在也。悔翁詩云。早知世路隘。不及山中寬。同上

陳泗源

陳厚耀字泗源。江南泰州人。康熙四十五年進士。官翰林院編修。安溪李光地薦厚耀通曆法。上問厚耀曰。汝能測北極出地高下否。對曰。若將儀器測景長短。用檢八綫表。可得高下。上曰。此在春秋二分所測則然。若餘節氣。又有加減之異。然亦不准。何也。對曰。臣聞地上有朦氣之差。以人目視之。有升卑為高。映小為大之異。故以渾儀測之多不合。但在天度數。則不差也。又問地周三百六十度。依周尺。尺度二百五十里。今尺二百里。地周幾何。徑幾何。奏云。依周尺。地周九萬里。今尺七萬二千里。以圓三徑一推之。徑二萬四千。以密率推之。當得地徑二萬二千九百一十八里有奇。

上復問地圖出何書。對以周髀算經。曾言之。問何以見其圓也。對曰。職方外紀。西人言繞地過一周四匝。皆生齒所居。故知其為圓。且東西測景有時差。南北測星有地差。皆與圓形相合。故益知其為圓。上命厚耀與梅穀成並修書。書成。特授翰林院編修。時人傳

陳滄洲

陳鵬年。字北溟。號滄洲。湖南湘潭人。康熙三十年進士。官至河道總督。謚恪勤。有陳恪勤集。昔先生守蘇州。重遊虎邱。詩云。雪艇松龕閱歲時。廿年蹤跡鳥魚知。春風再掃生公石。落照仍銜短簿祠。雨後萬松全遶匝。雲中雙塔半迷離。夕佳亭上憑欄處。紅葉空山繞夢思。塵鞅刪餘半晌閒。青鞋布襪也看山。離宮路出雲霄上。法駕春留紫翠間。代謝已憐金氣盡。再來偏笑石頭頑。棟花風後遊人歇。一任鷗盟數往還。其時總督噶禮以詩為誹謗。句句旁註而劾奏之。摘印下獄。聖祖詔云。詩人諷詠。各有寄託。豈可有意羅織。以入人罪。命復其官。隨園詩話

黃莘田

張南山曰。余舊題黃莘田先生香草齋集一律云。香草風騷本正聲。當年壇坫想榕

城一官澹似雲無迹。七字溫如玉有情。集神詩七清福况能兼豔福。後生何敢望先

生。昔伊墨卿太守以夏承碑見贈並跋云此秋江秋水同傷逝秋江草田先生集名香草齋中物南山為粵之莘田故以贈之

獨撫牙琴感歎并。詩話又云。莘田先生絕句。余愛誦之。偶錄數首於此。珍重遊人

入畫圖。樓臺繡錯與茵鋪。宋家萬里中原土。博得錢唐十頃湖。珠襦玉匣出昭陵。杜

宇斜陽不可聽。千樹桃花萬條柳。六橋無地種冬青。西湖雜記

彭文勤公

彭元瑞字掌仍號雲楣江西南昌人乾隆二十六年進士官至協辦大學士諡文勤

有思餘堂稿

讀彭文勤公經進稿其中多屬對工整典重渾成者偶錄數則於後亦可為初學開

拓心胸之助

天下有三重議禮制度考文聖人等百玉夏造殷因周監恭進皇朝禮器圖式表王者之治三

十年而後仁天子所都五百里曰甸服駕幸天津連珠瀦流為池有淀蓋七十二阻濼為界

其址自遼宋金詩湖海傳田田宅宅如解衣衣我推食食我樂樂利利以春風風人夏雨

雨人同春七日秋七夕七見來復之心五重午九重陽重叶剛中之德御製節序詩恭跋天

子所至曰幸。以德為車。以樂為御。以人情為田。大德之致永年。如月之恆。如日之升。

如南山之壽。萬壽經壇榜文。兕觥田峻。幽禽之三曰無疆。鳳翽吉人。卷阿之四曰純嘏。萬福

讚是謂太平之世。曰雨而雨。曰暘而暘。則知小人之依。先憂而憂。後樂而樂。御製旱

陰晴有象之春夏秋冬。孰主張是。孰綱維是。孰則推行是。無形之陰晴雨雪。我潤澤

之。我滲漉之。我汜布濩之。同心惕若。以乾乾聖原無過。言達之而豐。豐民可使知。恭

恩賜鹿在治忽。觀古人之象。繪作有虞。先稼穡。知小人之依。圖成無逸。恭謝恩賜御

待餉墨十二時不翼而飛。天子所助者順。千萬里如指諸掌。聖不可知。謂神。恭謝恩

平定臺灣紀事。維天為大。有成功斯有文章。維聖成能有文章。必有武備。同三皇各

歲萬八千。史臣勒之古牒。伊耆在位七十載。虞典首於尚書。恭請萬壽八旬奉三無

私。聖人之作也。如覆照。致四必得。昊天其子之。以保佑。誦六章之詩。川至日升月

恆。山阜岡陵松柏之茂。敦九功之敘。利用厚生正德。水火金木土穀惟修。同著

來恩重。憶舊服之鵲懸。捧出心驚。惕微衷於鵜翼。恭謝恩賜墨。齒非加長。實維逾格。

之施步本不工。彌切殊常之感。恭謝賜紫禁城。竊幸遊門。學疲羸之十駕。願同在廐

頌福祿於萬年。銅播晨綸於西苑。得為氓而仁許。受塵曝冬日於南榮。將改歲而恩

詩入室。容身環堵。憶跼江國之牛宮。待漏觚稜不隔禁城之魚鑰。內成摺子為

謀入室。容身環堵。憶跼江國之牛宮。待漏觚稜不隔禁城之魚鑰。恭謝賜居夢為

蝴蝶。憶在漆園傲吏之書。紀於太常。宜入日下舊聞之錄。恭謝恩賜御筆太常

上補造物。無不接之青黃。父母篤恩勤。有必周之黔赤。恭謝恩撫江西

用。師往有功。无所利而為。我戰則克。御製詩文十國家豐亨豫大。再籌三十年之

通。民戶朝饗夕飧。或鮮萬千斯之積。富非藏國。利本因民。矧當太倉之陳。陳相因。何

如高廩之多多益善。恭謝恩旨普輔相裁成而泰有福。天施地生而益无方。乎惠全

通觀全稿。盖得力於宋四六為多。松軒隨筆。

王惕甫

王芑孫。字念豐。號惕甫。一號鐵夫。江南長洲人。乾隆五十三年。召試舉人。官教諭。有

淵雅堂集。

鐵夫秋懷十二首。學杜而能得其神骨。摘錄數首於此。第四首云。哀哀諸公捧劍韜。

草間羣盜尚如毛。洗兵待挽銀河下。轉饒仍過玉壘高。風外馬嘶頻踠足。霜前鷹意

欲離絛。何當援筆供磨盾。雪滿平蕪血滿刀。第六首云。苗蠻戡定又荏苒。三楚連年

震鼓鼙。惡少數羣丸赤白。好官平日轂丹朱。荆襄自古經龍戰。樊鄧中宵到虎符。漸

喜封章都實奏。科名端不負吾儒。第七首云。天彭井絡勢紛紜。獸集蜂屯合復分。無數元戎親握槊。何來娘子却成軍。雨昏巫峽函箱陣。日射夔關虎豹羣。花果園中哭都護。翩然大鳥下新墳。謂花果園之戰第八首云。陝右傳烽過竹山。蒼黃消息近商顏。刳營驍將纓先結。據隘書生甲自環。組練三千新鄣部。風雲二百舊函關。定知虎旅從天下。快掃妖氛唱凱還。第九首云。種區狎獬幾豪酋。警報滇黔驟數州。文武江湘方論帥。西南町畷妄稱侯。三更墨騎圍堅寨。一路紅旗達御樓。聞道苗民也辛苦。至今挽運抵車牛。第十首云。久將市舶作郊廛。關吏今憂闕算錢。哨卒空教懸什五。將軍其奈少樓船。盧循就歎終為賊。徐福適誅肯作仙。黃浦濤聲秋萬鼓。左編夜誦想荊州。

張船山

張問陶。字仲治。號船山。遂寧人。著有詩草。茲錄數首於後。秋日小園即事云。草樹經秋雨。又風老青荒。翠間疎紅閒。攜小鉢。收花種。要替明年補化工。盆山蒼秀水華新。小聚青錢購白蘋。多少魚苗化金紫。不知可有一龍鱗。西風無力助韶華。細蕊丹黃繞徑斜。畫出清寒真氣味。傷心顏色是秋花。打窗風葉漸成堆。冷澹秋懷付酒杯。一院草蟲飛不出。隔牆車馬正如雷。讓老樹敵霜風。畢竟材高氣象雄。縛

草連根如束馬。年年辛苦為新桐。逐隊游蜂散午衙。數行蠅殼自成家。一蛙深坐
怒何事。笑倒牆陰紅蓼花。牡丹留葉戀秋暉。回首芳華事已非。莫恨藥欄經雨壞。
新栽鳳竹自成圍。疎籬破落倚牆坳。猶有枯藤引樹梢。默對晴窗坐終日。高枝時
看鵲爭巢。又暮春即事云。已避名場避酒場。中年始覺愛春光。英雄心膽依然在。
只是逢人不肯狂。殘春花夢到文無。碎綠么紅也自殊。身上征衣慈母綫。歸心何
事尚躊躇。打破疑團廢六壬。扃門便抵入山深。修仙禮佛翻多事。只養春雲自在
心。又即目云。窈窕文窗綠漸遮。新篁無力受風斜。今年小院春光活。飛出一枝蝴
蝶花。松果榆錢次第收。女桑新葉十分柔。文無花朵好顏色。碎影倒垂安石榴。
全家人坐綠陰中。堂背青棠也自紅。閒向鄰園邀鄭鶴。井華新汲為醫桐。

阿谷處子

孔子南遊適楚。至於阿谷之隧。有處子佩瑱而浣者。孔子曰。彼婦人其可與言矣。抽
觴以授子貢曰。善為之辭。以觀其語。子貢曰。吾北鄙之人。將南之楚。逢天之暑。思心
潭。潭願乞一飲。以表我心。婦人對曰。阿谷之隧。隱曲之泥。水載清濁。欲飲則飲。何問
婦人乎。子貢觴迎流而挹之。與然而棄之。促流而挹之。與然而溢之。坐置沙上曰。

禮固不親授。子貢以告。孔子曰。某知之矣。抽琴去其軫。以授子貢曰。善為之辭。以觀其語。子貢曰。縵子之言。穆如清風。如此有琴而無軫。願藉子以調其音。婦人對曰。吾野鄙之人也。僻陋而無心。五音不知。安能調琴。子貢以告。孔子曰。某知之矣。抽絺紵五兩。以授子貢曰。善為之辭。以觀其語。子貢曰。吾北鄉之人。將南之楚。於此有絺紵五兩。吾不敢以當子身。置之水濱。婦人對曰。吾年甚少。何敢授子。子不早去。今有狂夫守之者矣。詩曰。南有喬木。不可休息。漢有遊女。不可求思。此之謂也。見呂覽

任地

后稷曰。子能以室為突乎。子能藏其惡而揖之以陰乎。凡耕之大方。力者欲柔。柔者欲力。息者欲勞。勞者欲息。棘者欲肥。肥者欲棘。急者欲緩。緩者欲急。濕者欲燥。燥者欲濕。今茲美禾。來茲美麥。是以六尺之耜。所以成畝也。其博八寸。所以成剛也。冬至後以五旬七日。菑始生。菑者。百草之先生者也。於是始耕。五時見生而樹生。見死而獲死。呂覽

玉卮無當

韓子。堂谿公見昭侯曰。今有白玉之卮而無當。有瓦卮而有當。君渴將何以飲。君曰。

以瓦卮堂谿公曰。白玉之卮美。而君不以飲者。以其為無當耶。君曰。然。堂谿公曰。為人主而漏泄其羣臣之語。譬猶玉卮之無當也。堂谿公每見出昭侯。必獨卧。惟恐洩言於妻妾。

反魚駕馬

晏子春秋。齊景公遊於紀。得金壺。發而視之。得有丹書曰。勿食反魚。無乘駕馬。晏子曰。食魚不反。無盡民力也。不乘駕馬。無致不肖於側也。

馬毛犬尾

淮南畢萬術。馬毛犬尾。親友自絕。註謂取馬毛犬尾。置朋友夫婦衣中。則自相憎也。又風俗通云。賣牛勿握角。令不售。

冷笑

典略。齊王命立三恪。魏收為議。眾皆同之。崔瞻乃別立議。收讀瞻議。笑而不答。瞻云。瞻議若是。須替所長。瞻議若非。須急所短。何容如此冷笑。

心聲獻酬

文心雕龍云。陳遵占辭。百封各意。彌衡伐言。親疎得宜。亦心聲之獻酬也。

辨謗略

太平御覽載唐次貶開州刺史乃自取古忠臣賢士遭小人之讒謗而人君猶不悟其書三篇謂之辨謗略上之後令狐楚續廣為十卷號元和辨謗至今惜不見其書

鸞繳

呂氏春秋趙簡子曰沉鸞繳於河曰吾嘗好聲色矣而鸞繳致之吾嘗好宮室矣而鸞繳致之今吾好士六年矣而鸞繳未嘗進一人也是長吾過而絀吾短也

古人合集一堂各司一事

隨園云古人有合集一堂各司一事嘗戲集之世說陳太邱詣荀朗陵家使元方將車季方持杖長文尚少載著車中荀使叔慈應門慈明行酒六龍下食文若尚少抱坐膝上說苑趙太子疾扁鵲過之造軒光之竈八成之湯子容嘗藥子明吹耳陽儀反袖子越扶形漢書光武之南陽遇雨馮異抱薪鄧禹爇火光武燎衣南史王敬則請高祖幸東宮長沙王晃捉華蓋臨川王映携雉尾扇聞喜公子良持酒鎗南郡王銳行酒豫章王嶷捧肴齊書高帝曲宴褚淵彈琵琶王僧虔柳世龍彈琴沈文季歌子夜來張敬兒舞王敬則拍張王儉跪上前誦封禪書唐詩記事中宗賜宴張錫為

談容娘舞。宗晉卿舞渾脫。張洽舞黃鵠。杜元琰誦波羅門咒。盧藏用效道士上章。惟國子司業。誦鹿鳴蟋蟀兩詩。西京雜記。梁孝王遊忘憂館。使諸客分題作賦。枚乘得柳。鄒陽得酒。公孫詭得文鹿。韓安國得几。羊勝得風。漢武內傳。王母升武帝殿。命王子登彈八琅之璈。董雙成吹雲和之笙。石公子擊昆庭之金。婉靈華拊五靈之石。范成君敲湘陰之磬。段安香作九天之銘。法嬰歌元靈之曲。武夷古記。武夷君八月十五日。會鄉人於漫亭。張安陸打鼓。鮑公希吹笛。和鳳兒拍板。董嬌嬈彈箏篴。彭令昭唱人間可哀之曲。

莊子逸篇

閼婁之隸。與殷翼之孫。遏氏之子。三士相與謀。致人於造物。共之元天之上。元天者。其高四見列星。

小巫見大巫。拔茅而棄。此其所以終身弗如。

庚市子肩之毀玉也。

淮南子。庚市子。聖人無慾者也。人有爭財。相鬪者。庚市子毀玉於其間而鬪者止。

老子見孔子。從弟子五人。問曰。前為誰。對曰。勇且多力。其次子貢為智。曾子為孝。顏回為仁。子張為武。老子歎曰。吾聞南方有鳥。名為鳳凰之所居也。積石千里。河水出。